



Ang Kalihukan

Tuig 16 Gula 1

Espesyal Isyu

Nobyembre 2009

Mantalaan sa National Democratic Front

Amihanang Sentral Mindanao



ng Task Force Gantangan usa ka pormasyong militar nga gitukod sa Eastern Mindanao Command sa AFP niadtong Mayo 26-28, 2008 sa mga erylumad sa Mindanao aron kuno “panalipdan ang kalinaw” pinaagi sa usa ka agresibong kampanyang kontra-insurhensya nga monyutralisa o mopuo sa mga NPA ug uban pang rebolusyonaryong pundok sa lugar. Ilalom kini sa komand sa hepe sa Civilian Military Operations nga si Col. Allen Capuyan.

Batukan ug Suklan ang Teroristang Binuhatan sa

TASK FORCE GANTANGAN



Sa Caraga Region anaa na sab ang Lupaca o Lumadnong Pakigbisog sa Caraga sa han-ay sa mga tribong Manobo, Higaonon, Banwaon ug Talaandig. Sa Agusan del Sur ug Norte anaa ang Bungkatol Liberation Front (BULIF) ni Ronald Manhumosay ug “Datu” Bawang. Anaa usab ang Wild Dogs ni Deo Manpatilan ug MABANTAG ni

Mario Napungahan. Giorganisa kini sa 4th Infantry Division nga napamatud-an na’ng dunay hataas nga listahan sa paglapas sa tawhanong katungod sama sa saywar ug militarisasyon nga nagbunga sa grabeng kalisang sa mga lumad ug mag-uuma sa maong mga probinsya. Niining maong plastada ang Task Force Gantangan magsilbeng coordinator sa tanang mga armadong grupong lumad sa Mindanao.

Si Deo Manpatilan kanhi mayor sa Esperanza, Agusan del Sur sukad sa dekada 90 ang aktibong nanggukod sa rebolusyonaryong kalihukan sa dugay nang panahon. Nagtukod siya og paramilitar nga grupong gihinganlan og Wild Dogs nga sa esensya mga Cafgu. Iyang girekrut ang kanhing mga Cafgu nga lumad ug mga alimaong. Gitawag usab kini siya og Datu Mankombate. Sa 1997, nahimo siyang tsirman sa mga lumad sa upat ka mga probinsya sa Agusan Sur, Agusan Norte,

Misamis Oriental ug Bukidnon. Usa siya ka Certificate of Ancestral Domain Claim (CADC) holder nga mokabat sa 62,000 ektaryas.

Grabeng terorismo ang gitisok sa Task Force Gantangan sa katawhang lumad. Ang dili mopailalom sa ilang kagustohan ila dayong butangbutangan o kaha himo-himoan og estorya nga siya usa ka NPA aron mahatagag “katarungan” ang ilang himuong pagpatay. Kini ang nahitabo kang Datu Manpaagi Bilayong sa Kinamaybay, Esperanza nga gipatay sa BULIF ubos ni Ronald Manhumosay, niadtong Septyembre, 2009 tungod kay misupak kini nga himoan og CADC ang iyang sektor. Ug karong bag-o lang niining Oktubre, 2009 gipatay usab sa grupong MABANTAG ni Mario Napungahan si Datu Mansubaybay nga usa ka aktibong lider-lumad nga nagsupak sa CADC didto sa Balit, San Luis, Agusan del Sur. Sa milabayng Abril, 2009 gimasaker usab sa BULIF ang pamilyang Suarez sa Kamanikan, Gingoog City ug pagkahuman gisunog ang mga

Ang Kalihukan

Editorial Box

Hunta Editoryal: NDF Regional Executive Council, **Editor:** Vince Remos, **Copy Editor:** Lito, **Kolumnista:** Banagbanag de Liberacion, **Tig-lay out:** Ming, **Dibuhista:** Jerry


Giagni ang tanang sektor nga mopadala sa ilang tampo sa porma sa artikulo, balita, drowing, pakunot sa agtang, sulat kasinatian, ug uban pa. Mahimo usab kamo nga mopadangat sa inyong mga pagsaway ug sugyot aron mapalambo ang atong mantalaan.

Ang Kalihukan mao ang opisyal nga mantalaan sa NDFP Amihanang Sentral Mindanao



patayng lawas sa maong pamilya nga naglakip sa 4 nila ka mga gagmay'ng anak. Dugang pang kalapasan mao ang wala pagbayad ni Kadoy, usa ka membro sa BULIF nga namalit og lanot, sa produktong lanot sa 4 ka mga mag-uuma sa Minbugas, Hinandayan, Camagong, Nasipit nga iyang gikuha nga mokabat sa P7,000.

Gipang-surbeylans usab ang mga lider sa mga ligal nga progresibong organisasyon ug grupong party-list ug ang pipila kanila gihulga sa mga nakamotor nga nagpailang *death squad* sa gubyerno. Ang Task Force Gantangan aktibo sa ilang pag-operasyon sa kabukiran. Halos kada semana magpatrolya ang ilang mga pwersa busa nakadaginot na o nakakurakot na ang AFP sa badyet nga alang unta sa ilang mga regular nga tropa. Bakak ang panghaylo sa militar nga hatagan og tag-P18,000 ang matag usa ka membro sa Gantangan kay gani ang ilang mga Cagfu malangan pa man ang paghatag sa ilang binulang alawans nga P2,800.



Nag-unang katuyoan sa Task Force Gantangan mao ang paghawan sa dalan alang sa pagsulod sa langyawng kompaniya sa pagmina ug plantasyon sa Tuba-tuba ug Oil Palm. Ilalom sa Task Force Gantangan, target nga tukuron ang tulo ka batalyon sa Tribal Force sa han-ay sa tribung B'laan partikular sa mga probinsya sa Sarangani, Davao del Sur, South Cotabato ug North Cotabato. Sa Davao anaa na ang

grupong Alamara sa mga tribong Matigsalog, Ata-manobo nga kanhi gi-organisa ni Col. Del Rosario sa 73rd IB. Mikaylap na usab kini didto probinsya sa Bukidnon diin sa 2008 may 3 ka higayon kining naglunsad og pagbansay militar sa mga tribong Matigsalog nga nagpuyo sa Quemtras, Quezon, Bukidnon didto sa Sinuda nga matud pa napailalom sa Task Force Gantangan.

Sa aspetong legal, gimaniobra usab sa NCIP, DAR, DENR ug Landbank nga makuha ang mga yutang kabilin sa mga lumad aron hapsay ang dalan sa pagsulod sa mga langyawng mamuhonan. Aktibong nagahimo og mga survey, sekretong pulong-pulong ug pagsuborno sa pipila ka mga lokal nga lider sa lumad, ang NCIP, DAR, DENR ug Landbank migamit sa malinglahong Indigenous People's Rights Act (IPRA) aron dili na moagi sa konsultasyon sa tibuok komunidad o sa konseho sa mga katigulangan ang pagpatitulo sa yuta.

Usa na lang ka lider-lumad ang ilang estoryahon ug ilaron sa matam-



Mga Balita sa Taktikal Opensiba

Enero 21, 2009. Gireyd sa usa ka coy nga BHB ubos sa Julito Tiro Command ang Patpat City Jail sa Malaybalay sa alas 4:00 sa kahaponon. Nasorpresa ang mga gwardya busa wala silay nahimo kundili ang pagtahan sa ilang mga armas. Naklining dinhi ang 3 ka M16 ug 3 ka mga pistola.

Enero 23, 2009. Reyd sa munisipyo sa Carmen, Agusan Norte sa BHB ubos sa Cesar Cayon Command. Napatay ang usa ka polis nga misukol samtang luwas ang uban nga mitahan dayon. Naklining dinhi ang 3 ka 9mm nga pistola, mga uniporme ug mga bala.

Pebrero 21, 2009. Usa ka aksyong kontra reyde ang nahitabo dihang reydon unta sa usa ka platon nga 29th IB ang nakapundong BHB didto sa Tinupongan, Sta Cruz, Quezon. Pito ka kaaway ang napatay samtang samaron ang laing tulo. Gikataho nga

dunay usa ka Lt. Jazz nga US troop ang naapil og kapatay. Sa pito nga napatay duha niini mga opisyal nga may ranggong 1st Lieutenant. Naklining sa maong aksyon ang 4 ka hpr ug 12 ka mga military packs, GPS, ug radio base.

Pebrero 22, 2009. Usa ka aksyong partisano batok sa usa ka PO1 Alde Navaja ang gilunsad sa BHB didto sa Laligan, Valencia, Bukidnon. Mangingilog kini siya og yuta ug mahariharion usab sa iyang mga igsuon. May kaso usab kini siyang murder. Nakuha sa maong aksyon

ang usa ka pistolang .45 gikan kaniya.

Marso, 2009. Gisilutan usab sa BHB ang Ex-Kapitan sa Capitan Angel nga si Nino Balandra tungod sa kasong panglugos ug pag-*mastermind* sa mga kawat ug tulis sa maong lugar.

Marso 25, 2009. Aksyong harassment sa BHB ubos sa Cesar Cayon Command sa mga alas 4:30 sa hapon batok sa kaaway nga tropa didto sa Syoan, Malinao, Gingoog City. Patay dinhi ang duha ka tropa sa kaaway samtang luwas nga nakaatras ang BHB nga walay tatsa.

Marso 26, 2009. Aksyong harassment sa duha ka tim sa BHB didto sa Syoan, Malinao, Gingoog City gihapon. Lima ang patay sa kaaway nga tropa.

Abril 25, 2009. Gi-isnapp sa usa *sundi sa pahina 7. . .*

is nga panaad sa mga kapitalista. Mao kini ang nahitabo kanhi ni Deo Ungcad ug Mario Napungahan nga kanhi nga mga tribal leader nga nangahimong tribal dealer. Nagakahitabo usab kini sa Bukidnon sama sa CADC sa Quemtras diin mokabat na sa liboan ka ektarya ang gitamnan sa pinya kadungan sa ilang plano nga minahon ang mga komunidad sa lumad nga sakop sa Kitaotao, Bukidnon. Sa pagkakaroon, may aplikasyon alang sa mining exploration ang Pacific Maunlad Mining Corp. diha sa barangay Langgasian, La Paz,





Mga Balita sa Agraryong Rebolusyon (AGREB)

1. Pagpaubos sa Bayad sa Galingan

Sa bulan sa Disyembre, 2008, ang kapunongan sa mga mag-uuma pinaagi sa ilang mga representante/lider (nga mosobra lang sa bayente ka tawo sa tulo ka baryo) sa munisipyo sa Quezon ug Kitaotao, Bukidnon, nagpahigayon og negosasyon ngadto sa tag-iya sa galingan sa baryo Palacapao. Nag-inusara kini nga galingan sa mais ug humay nga gipanag-iya ni Ismael Kabanig sa 3 ka baryo nga ang bayad tag-P2.00/kilo. Gumikan sa maong aksyon napaubsan ang bayranan sa paggaling ngadto sa tag- P1.50 nalang ang matag kilo. Tulo ka baryo nga lumulopyo ang nakabenepisyo niining maong aksyon nga dili moubos sa 1,000 ka pamilya.

2. Pagpataas sa Presyo sa Saging

Sa bulan sa Oktubre, 2009, sa usa ka sityo sa usa ka baryo sa San Fernando Bukidnon, naglunsad ang kapunongan sa mag-uuma og usa ka kalihukan aron pagpataas sa presyo sa ilang produktong saging



batok sa mamalitay og saging nga Tundan ug Lakatan. Gisalmotan kini sa 150 ka tawo. Resulta niini, napatasan og P1.00 ang matag kilo sa Lakatan ug Tundan ug kapin sa 300 ka mga tawo ang nakabenepisyo niining maong aksyon.

3. Pagpataas sa Suholan

Sobra 300 ka tawo ang nagsalmot sa tulo ka baryo sa San Fernando Bukidnon niining bulan sa Oktubre ug nakabenepisyo ang halos tanan mamumuong panguma dinhi sa tulo ka baryo.

Ang manggunahay gasweldo lang og P80/adlaw walay libre kaon. Napataas kini ngadto sa P100/adlaw ug libre kaon; magdadaro tag P140/adlaw walay libre napataas ngadto sa P240/adlaw; pag-spray tag P120/adlaw walay libre napataas ngadto sa P150/adlaw. **AK**

Agusan del Sur. Ang BHP Billiton nagsugod na usab sa ilang eksplorasyon sa pagmina sa Impahanong, Malitbog, Bukidnon.

Sa mga lugar nga ila nang “nahinloan” sa presensya sa rebolusyonaryong kalihukan ila na dayong ipasulod ang mga programa nga sa tinuoray nagapihig sa katungod sa mga lumad alang sa yuta. Pananglitan niini mao ang CADC application ni Ronald Manhumosay sa Las Nieves alang sa plantasyon sa Tuba-tuba samtang plantasyon usab sa pinya ang didto sa

Maningalao ug Duryan. Sa Esperanza, Agusan del Sur mina ang mosulod ilalom sa CADC application ni Deo Ungcad samtang ang CADC ni Benhor Mansulonay sa San Luis gitagana usab sa plantasyon sa oil palm. Sa Talacugon may bahin sa erya niini ang nasakop usab sa minahunon. Busa sa katinuoray, dili kalamboan sa kinabag-an ang epekto niini kundili pag-akup-akop sa yuta sa pipila lang ka mga oportunistang datu nga lunod patay sa AFP. Niining paagiha, nahikawan ang kinabag-an sa ilang

katungod sa pagtikad ug katungod nga manginabuhi. Busa, gubot ang resulta niini.

Isip kunohay pagpanalipod sa katungod sa lumad alang sa yutang kabilin, gipamugos sa NCIP ang Certificate of Ancestral Domain Claim (CADC) ug Certificate of Ancestral Domain Title (CADT) kay ang titulo sa yuta mao kuno ang moseguro sa kalamboan sa katawhang lumad. Kining maong programa sa NCIP kasumpay sa kontra-insurhensyang programa sa *sundi sa pahina 7. . .*

Sundalo sa U.S. nanghilabot ug apil sa panagsangka batok sa Rebolusyonaryong kalihokan ug katawhan!

1. Sa **Tinupongan, Sta. Cruz, Quezon, Bukidnon**. Pebrero 21, 2009. May Nakita sa mga NPA atol sa panagsangka nga pipila ka tropang kano. Ug nasulti mismo ni Lt. Col. Arevalo, CO sa 29th IB nga patay apil sa mga tropang Pinoy mao si Lt. Jazz nga usa ka kano. Mao ang hinungdan nga namomba sila. Paspas dayun nga miresponde ang *bomber planes* ug *helicopter gunship*. Kapin 20 ka mga bomba ang patoragas gipanghulog ug namusil ang *helicopter gunship* sa *populated* nga baryo. May 1 ka kabaw nga naigo/patay sa bomba ug may duha ka lumolupyong sibilyan ang napatay sa mga military nga gipasanginlan nilang mga NPA.
2. Sa **Overview, Kipulot, Palacapao, Quezon, Bukidnon** –Pebrero 23, 2009. human sa Tinupongan incident, kusog ug kaylap nga operesyong military ang gilunsad sa gobyerno. Nakita sa mga tawo ang usa ka platon nga mga kano nga nagpundo didto sa Overview, Palacapao. Dul-an semana ang pagpundo nila dinhi ug diha sa mga komand post samtang ang mga Pinoy nga tropa naga *search and destroy operation* sa mga baryo duol sa highway.
3. Sa Baryo **Mahayag, Malaybalay niadtong Abril 14-20, 2009**, nakita ang pipila ka mga tropang kano nga mikuyog sa military operasyon dinhi. Kini human mahitabo ang raid sa NPA sa detachment sa Zamboangita.
4. Sa komunidad sa **Liing, Sto. Domingo, Lumintao, Quezon, Bukidnon**- Hulyo 8-13, 2009. Tulo ka mga kano ang nakitang mikuyog sa operesyong militar sa Pinoy nga tropa. Namomba ug namusil sa ilang *helicopter gunship* sa tibuok adlaw sabay ang pagsulong sa ilang *ground troops*. Pag-abot sa komunidad, nagpabuto-buto ug dinaganay sulod sa daghang lumolupyong ug ang mga tua sa uma gipabuthan. Duha ka mag-uuma nga nagharvest sa atsal ang hapit maigo sa paturagas nga pagpamusil.
5. Sitio **Bolacao, Concepcion, Valencia, City-Bukidnon** – niadtong Septiembre 5-11, 2009, 6 ka mga sundalong kano nga nakahelmet og puthaw ang mikuyog sa nag-operesyong militar nga 128 ka tropa. Nagpundo sila sa sentro sa Bolacao ug naglunsad sa pulong-pulong. Pagkagabii sa Septiembre 8, 2009, gipangransak ang kabalayan sa mga lumolupyong ug gipangita nila ang mga armas kuno sa NPA nga gipatagoan. Apil ang balay sa tigulang na nga si Datu Lauro Lakubay ang pugos nga giransak ug girekisa. Pugos sila gipatug-an asa gitago ang armas. Pagkahuman namalik sila pundo sa sitio hall.
Nanawag sa Mayor sa Valencia ang mga lumolupyong tungod sa ilang kahadlok sa binuhatan sa mga military ug kano sa ilang lugar. Petsa 9, alas 9 sa buntag miadto si Mayor Leandro Catarata ug nangasaba sa mga military ug nagkaestorya sila mismo sa tropang kano nga nailhan sa ngalan nga Feliciano (wala nakuha/basa ang ranggo). **AK**



. . . *gikan sa pahina 4*

ka tim sa BHB ubos sa Rexan Perez Command ang Cafgu didto sa Bulaw, Malilong, Zamboanguita, Malaybalay. Samaron lang ang Cafgu nga wala mapurohi.

Hunyo, 2009. Pagsilot sa kamatayon kang Bobit Rojo nga kanhi NPA apan naglayas ug mikooperar sa kaaway. Nadakpan samtang naghimo og paniktik sa rebolusyonaryong kalihukan didto sa Mahayag, Quezon.

Hunyo, 2009. Gisilutan sa BHB ang usa ka Cafgu nga si Julito Sulin-ay didto sa Sta Filomena, Quezon. Nadakpan kini sa BHB nga naniktik sa BHB Sta Filomena, Quezon nga nagdala og cellphone nga may naka-phonebook nga ngalan sa opisyal sa army ug polis. Kanhi siya NPA nga milayas og nagdala og tulo ka armas gikan sa rebolusyonaryong kalihukan kaniadtong 1998.

. . . *gikan sa pahina 5*

AFP ubos sa Oplan Bantay Laya (OBL 2). Gidahum nila nga pinaagi niini, aktibo na unyang makigbatok sa rebolusyonaryong kalihukan ang mga lumad tungod kay “natubag na man kintahay” sa gobyerno ang ilang pangayo alang sa yuta. Gidunganan kini nila sa tinuis nga propaganda nga apil sa kompiskahon ug iapud-apod sa NPA ang yuta sa mga lumad inigdaog sa rebolusyon.

Kun matuman ang ilang laraw, mahanaw ang YUTANG KABILIN sa katawhang lumad ug maabog na usab sila sa ilang puluy-anan ug mamahimo na lang nga mga saop o manghormalay sa ilang yuta. Ug kun



Hunyo 23, 2009. Giisnapp/harass usab sa usa ka tim sa BHB ang kaaway nga tropa didto sa Ulayanon, Malilong, Zamboanguita.

Hulyo, 2009. Naengkwentro sa BHB ubos sa Eking Balacuit Command ang nagpatrolyang 8th IB didto sa Farmbugas, Claveria, Misamis Oriental. Duha ang patay sa kaaway samtang walay tatsa ang BHB.

Hulyo, 2009. Naengkwentro sa

BHB ubos sa Eking Balacuit Command ang nagpatrolyang usa ka iskwad sa 8th IB didto sa Farmbugas, Claveria. Sa sinukliay sa mga bala napatay ang 2 ka mga regular nga tropa samtang samaron ang lain pang upat.

Hulyo 3, 2009. Usa ka harassment gihapon ang gilunsad didto sa purok 8, St Peter, Malaybalay.

Hulyo 16, 2009. Giambus sa usa ka platong BHB ubos sa Rexan Perez Command ang usa ka iskwad sa nagpatrolyang mga tropa sa 8th IB uban sa mga Cafgu didto sa La Fortuna, Impasug-ong, Bukidnon. Patay diha-diha ang 2 ka mga regular nga tropa samtang misurender ang 5 ka mga Cafgu. Nakompiska dinhi ang 2 ka M14 ug ubang kahimanang militar. Gibuhian ra usab ang mga Cafgu human makuha sa mga mahinungdanong impormasyon ug human pasabta mahitungod sa rebolusyonaryong kalihukan.

Hulyo 17, 2009. Usa ka operasyong harassment ang gilunsad sa BHB ubos sa Jabbar Salipudan Command sa Km 9, Policarpo, San Luis, Agusan Del Sur batok sa nag-

mahanaw na ang yutang kabilin, seguradong mahanaw usab ang tribo kay wala na may materyal nga basehan sa ilang pagpuyo isip nasudnong minority diha sa usa ka komunidad.

Kasamok ang dala niining Task Force Gantangan kay magkabahin-bahin ug magkaunay-unay na ang katawhang Lumad busa angay kining panghingusgan nga batukan ug suklan.

**KATAWHAN MAGHIUSA!
BATUKAN UG SUKLAN ANG
TERORISTANG BINUHATAN
NIINING TASK FORCE
GANTANGAN! ❗❗**

RSOT nga 26th IB. Usa ang KIA ug 2 ang WIA sa 26th IB.

Hulyo 19, 2009. Pagsilot kang Kag. Edwin Querubin Jr sa baryo sa Banlag, Valencia sa kasong *multiple murder* ug pagkalunod-patayng kontra-rebolusyonaryo pinaagi sa usa ka tim sa BHB. Nakuha gikan kaniya ang usa ka .45.

Hulyo 20, 2009. Lain na usab nga harassment ang gilunsad sa usa ka tim sa BHB ubos sa Jabbar Salipudan Command sa mga alas 9:00 sa buntag. Giharas nila ang iskwad sa 26th IB nga nagpundo sa Agsabo nga naghimo og RSOT ubos ni Lt Solis. Duha ang patay sa kaaway samtang usa ang samaron.

Hulyo 22, 2009. Giharas na usab sa BHB ang mga tropa sa 26th IB nga nag-RSOT didto sa Kinamaybay, Esperanza, Agusan del Sur.

Hulyo 25, 2009. Usa ka aksyong harassment sa usa ka iskwad sa BHB ubos sa Cesar Cayon Command didto sa Balungagan, Las Nieves, Agusan del Norte. Samaron dinhi ang 2 ka Cafgu.

Agosto 2009. Giharas sa usa ka tim sa BHB ubos sa Boyboy Roa Command ang nag-operesyong mga tropa sa 29th IB didto sa Bulakaw, Valencia.

Agosto 2009. Duha ka rapists ang

gisilutan sa BHB ubos sa Cesar Cayon Command didto sa Caimito, Tungao, Butuan City. Nalipay ang mga kadugo sa biktima sa pagpanglugos sa walay pihig-pihig nga pagpakanaog sa hustisya sa BHB ngadto sa mga kriminal.

Agosto 13, 2009. Giambus sa usa ka tim nga BHB si RB Napungahan nga naglakaw sa Bayanihan, San Luis, Agusan del Sur. Si RB Napungahan kanhi NPA nga nagtraydor sa kalihukan nga gihimong regular nga sundalo sa 26th IB. Assistant Cadreman siya sa detatsment sa Mahagsay sa pagkahitabo.

Septiyembre 2009. Duha ka magkasunodsunod nga punitibong aksyon ang gilunsad sa BHB sa bulan sa Septiyembre, 2009 batok sa duha

ka mga kompaniya nga wala morespeto sa politikanhong gahum sa rebolusyonaryong kalihukan. Unang

nahitabo ang pagsunog sa makinaryas sa FSTA panahon sa pista sa O s m e ñ a ,

Dangcagan, Bukidnon. Ang ikaduha mao ang pagsunog sa 3 ka makinaryas sa SUMIFRU nga gipanag-iya sa kapitalistang Hapones didto sa Hindangon, Poblacion, Valencia City.

Septiyembre 2009. Pagsilot sa usa ka ex- army nga si Vicente Laguitao sa kasong murder batok sa usa ka inosenteng masa didto sa Little Baguio, San Fernando, Bukidnon.

Gawas niini nabaniog usab kini siya nga kusog managmal sa iyang asawa ug mga anak.

Oktubre 2, 2009. Giharass sa usa ka tim sa BHB ubos sa Jabbar Salipudan Command ang nag-operesyong tropa sa 30th IB didto sa Kinamaybay, Esperanza Agusan del Sur. Patay ang usa ka tropa samtang may samarong laing usa pa.

Oktubre 2, 2009. Harassment sa BHB ubos sa Jabbar Salipudan Command sa nag-operesyong 26th IB sa Agsabo, Esperanza. Tulo ang patay sa kaaway ug upat ang samaron. Sa bahin sa BHB walay bisag unsa mang kakulian.

Oktubre 3, 2009. Gidis-armahan sa usa ka tim sa BHB ubos sa Eking Balacuit Command ang barangay kapitan sa Banglay, Lagonglong, Misamis Oriental sa mga alas 10:00 sa sayong kaudtuhon. Nakompiska kaniya ang 2 ka mga paliuntod.

Oktubre 9, 2009. Ambus sa usa ka platang BHB ubos sa Julito Tiro Command didto sa Upper Kalampigan, Gilanggilang, Manolo Fortich sa mga alas 9:00 sa buntag batok sa nagsakay sa topdown nga mga guwardya sa BHP Billiton Mining nga nagmina og *chromite*. Diha-diha nga napatay ang tulo ka mga guwardya samtang grabeng samaron ang usa nga nadala pa sa ospital.

Naklining dinhi ang 5 ka pusil nga naglakip sa 1 ka M203, 1 ka M14, 2 ka M16 ug 1 ka .380 nga pistola. Sa pag-abot sa reimporsment, luwas na nga nakaatras ang BHB nga walay tatsa.

